

Boux Vunz Gou Ceiq Gyaez Ndeu

一个我最爱的人

贵港市覃塘区蒙公乡廖瑞小学四年级 韦慧美

Boux vunz gou ceiq gyaez haenx dwg daxbuz gou. De miz doiq da luenzlulu ndeu, ndaeng sang bak gvangq. Daxbuz gou dwg boux vunz gaenx guh haengj bang bouxwnq ndeu.

Miz ngoenz ndeu, daxbuz hwnj bya bae ndaem faex, de raen duz roeg sieng ndeu, couh dawz duz roeg sieng haenx daiq ma ranz, bang de dwk yw, gueng de gwn doxgaiq, gvaq mbouj nanz, duz roeg sieng menhmenh ndei lo, roeg heuh caca lumj dwg gangj: “Docih, docih daxbuz.”

Miz baez ndeu, miz boux lwgnyez ndeu youzlangh daengz mbanj dou, daenj buhvaq vaihavad, byaij loh cungj mbouj miz rengz, ndang saenzdwdwd, gig hojlien. Daxbuz raen le, ganjvaiq daiq boux lwgnyez ma ranz, vuenh



dauq buhvaq ndei ndeu, hawj de gwn ngaiz, lij louz de gvaq haemh. Ngoenz daihngaih, bouxlaux boux lwgnyez neix daeuj ra, ra daengz ranz gou, raen lwgnyez de ndaej ciuqgoq baenzneix ndei, gamjdoengh dwk song hoq gvih roengz doiq daxbuz naeuz: “Mwngz caen dwg boux vunz simndei ndeu! Vunz

ndei miz ndei bauq!” Lij naeuz soengq di ngaenz hawj daxbuz, hoeng daxbuz baenzlawz cungj mbouj aeu.

Youq ndawsim gou, daxbuz dwg boux vunz simsoh gaenx guhhong youh maij bang bouxwnq ndeu. Gou gyaez daxbuz gou!

(指导教师:洗娟凤)

Gorongz Ndaw Yozyau

校园里的榕树

贵港市覃塘区蒙公乡古山小学四年级 韦丽华



Baez yamq haeuj dou hung yozyau dou, couh yawjraen go rungz hungsang mwncup ndeu.

Go rungz neix youq ndaw yozyau dou gaenq miz 60 lai bi lo, gorungz maj ndaej gig mwn, mbawfaex daengx bi seiq geiq cungj dwg heusausau, gij nge mbaw gorungz lumj aenliengj

cengq hai nei, ndei yawj dangqmaz. Gwnz gorungz miz haujlai rongzroeg, gak cungj roeg cungj gyaez youq gizneix guh rongz, gyanghaet mbwn ngamq rongh, gwnz gorungz couh nauhyied hwnjdaej lo, miz mbanj roeg mbin bae mbin dauq, miz mbanj roeg cici caca

cieng go, go faexrungz couh lumj aen diendanz duzroeg nei.

Gorongz mbouj dan dwg diendanz duzroeg, laj gorungz lij dwg giz dieg ndei hawj gyoengq doengzhag guh'angq.

Seizcin doek fwnmoenq, gorungz couh lumj aenliengj nei bang dou dangj fwn, dou youq laj gorungz guh'angq, di ndeu hix mbouj deng fwn rwed. Seihah, ndit ndat lumj feiz, gorungz youh lumj aenliengj nei vih gyoengqdou dangj ndit, gyoengq doengzhag cungj gyaez youq laj gorungz aeliengz, yawj saw, dwk geiz, diuq cag……

Go faexrungz neix hawj dou daiq daeuj haujlai fuengbienh, hawj dou daiq daeuj haulai angqyangz, gou gyaez go faexrungz neix, gou engq gyaez yozyau gou.

(指导老师:韦凤玲)

Gou miz boux baengzyoux ndei ndeu, de bineix cibngeih bi, maj ndaej mbouj suenq sang, hix mbouj maenghcanq, aennaj de luenz lili, cibfaen dwggyaez. De couhdwg banhcangj dou—Siujswnq.

Siujswnq maij bang vunz, cijaeu de guh ndaej daengz, mboujlwnh dwg bouxlawz, hix mboujlwnh dwg seizlawz, de cungj caenhsim caenh'eiq bae bang. Geiq ndaej miz baez ndeu, Siujhangz cingq vih cingzeik de yousim, miz giz mbouj mingzbeig youh mbouj rox baenzlawz guh. Cingq youq seizhaenx, Siujswng byaij gvaqbae doiq de naeuz: “Gou daeuj bang mwngz ba!” Siujhangz dingq le, couh lumj youq ndaw laepngau miz daeng soengq daeuj nei naeuz: “Ndei lai lo!” Siujswng vix diuz daez ndeu naeuz:

Baengzyoux Ndei Gou Siujswng

我的好朋友小胖

贵港市覃塘区蒙公乡古山小学六年级 韦国奥

“Mwngz yawj diuz daez neix dwg gouz menciz aenyenz, aen goengsik gouz menciz aenyenz dwg……” Miz mboengq ndeu, baez roengzdangz, Siujswng couh son Siujhangz gej daez, gvaq ndwen lai, gij cingzeik Siujhangz daezsang haujlai, Siujhangz angq dwk doiq Siujswng naeuz: “Mwngz maenh'ak lai lo! Docih mwngz!”

Gij singqcingz Siujswng miz seiz miz di gujgvaiq, hozndat seiz lumj

duzguk fatbag nei, mwngz cienfanh gaej nyex de, hoeng de sim'angq seiz, mwngz couh cinj beng diuz “heujguk” de, de hix riuhehe. Miz baez ndeu, hwnj goq hozdung, dou gangj ndei aeu bae dwk binghbanghgiuz, hoeng dingq gangj aeu baizlien cenzmuz, aennaj de sikhaek raez lumj najmax, doeklaeng lauxsae miz saeh wnq mbouj baizlien lo, de youh sikhaek angq dwk diuq hwnjdaej, de bienq ndaej baenzneix



Hag Youzraemx

学游泳

贵港市覃塘区蒙公乡古山小学三年级 覃晓婧

Singhgiz roek, gou, daeggo caeuq daxboh itheij bae youzraemx.

Bae daengz giz dieg youzraemx, gou yawjraen gij raemx ndaw mboq sawndikndik, ndaw raemx gij bya iq youz bae youz dauq, seizhaenx miz haujlai vunz gaenq youq ndaw raemx youzraemx. Gou daenj ndei buhyouzraemx caeuq buhgouqseng, daxboh lwnh gou naeuz, aeu di raemx saj hwnj gwnz ndang bae, roengz raemx couh mbouj lau nit lo, gou couh ciuq daxboh gangj haenx guh. “Ndaw raemx cwxcaih lai lo, vaiq roengzdaej ba.” Daxboh hemq gou. Gou “bung” sing ndeu couh diuq roengz raemx bae. Caenhguenj gou miz cunjbei, hoeng gou vanzlij gamjdaengz gij raemx nityauyau. Gou miz di lau, cij youq henzbien youz, mbouj gamj youz ok rog bae. Gou raen daeggo caeuq daxboh youq baihrog youz ndaej gig angq, gou nyaenx mbouj ndaej hix yiengq gyoengqde youz bae, hoeng gou baenzlawz hix vad mbouj bae, daxboh couh gvaqdaej son gou, heuh gou yungh song gaiq fwngz yiengq baihrog vad raemx, din aeu yiengq baihlaeng dik, gou ciuq yiengh daxboh gangj bae guh, gou youz ndaej bae di ndeu lo, hoeng lij mbouj gamj yiengq gizgyae youz, daxboh mboujduenh gujli gou, gou gig nyinhcaen bae hag. Seizneix gou gamjdaengz miz di dwgrengz lo, sawqmwh, mbouj siujsim, caem roengz raemx bae, raemx haeuj ndaeng bae lo, aenndaeng sikhaek manhsaengsaeng, hoeng gou lij genhciz youz. Ciemhciemh dwk, gou hag rox youzraemx lo.

Gou hag rox youzraemx lo, gou sim'angq raixcaix.

(指导老师:李丽君)



vaiq, hawj gou geizgvaiq ndaej gangj mbouj ok vah daeuj.

Caenhguenj beizheiq Siujswng miz seiz miz di gujgvaiq, hoeng dou cix baenz baengzyoux ndei.

(指导老师:方雪珍)